

Gveigangj Seieiq

□ Lij Yozvez raiz Vangz Gvanghmvaux hoiz

Aeu seieiq daeuj beij giz dieg ndeu cwxcaih、ndeiyouq, daihgaiq youq aen sigij gonq bet goujcib nienzdaih ndaw guek “hwnɡ yinzvwnz segoh” hainduj. Mwhhaenx, gyoengq yinzvwnz yozcej fanfoek dwen daengz Dwzgoz cezyozgyah Haijdwzɡwzj bien faenzcih《Vunzraeuz, Seieiq Bae Douhyouq》. Giz naeuz “seieiq bae douhyouq” ceiq caeux dwg oklaeng coenz sei Hozjwdwzlinz: “Vunzraeuz, dwgrengz sinhoj, hoeng lij seieiq dwk youq gwnz daihdeih gvangqlangh neix youq onjdwat.” Hozjwdwzlinz hix ndaej, Haijdwzɡwzj hix baenz, gyoengqde yienzbong eiqsei dangyienz dwg naeuz vunzlaimbwn wnggai baenzlawz gwn baenzlawz youq, dwg huzndei cix mbouj dwg nyaengqnyat muengzsueng, dwg dox aeueiq cix mbouj dwg dox haephangz caeuq dox sienghaih. Hozjwdwzlinz youq aen seizdaih de、Haijɡwzdwzj youq aen seizdaih de, lajmbwn cix mbouj onjdingh, cawzliux coenzvah baenzneix, mizgven gij saeh gyoengqde gou rox gig noix, gou ngeix, gij vah mizmingz yienghneix youq aen seizdaih gyoengqde, daihgaiq engq lai hamz miz gikheiq、fouznaih caeuq maqmuengh: Vunzraeuz, gvaq ndaej ndei、youq ndaej onj dwg cungj yienghsiengq ceiq ndei, cigndaej ciengxlwenx bae gyaepgouz.

Doengzseiz, gou nyinhnaeuz seieiq cix mbouj dwg hawhoengq, cix mbouj dwg yawj mbouj raen lumh mbouj dawz, seieiq gizsaed lumj “fanh miz rengzyinx” ityiengh mizyouq, lumjbaenz swzcangz caeuq fanhfaed, daihhaij caeuq raemx nei. Daj gizneix daeuj gejnaeuz, “Gveigangj seieiq” doiq gou daeuj gangj dwg gijmaz? Cigndaej yungh gij vah mizmingz Haijdwzɡwzj caeuq Hozjwdwzlinz daeuj lawh de “oknaj”? Youq gizneix gou mbouj siengj cigciep hawj ok dapanq, gou baenzneix naemj, cijaeu mwngz bae gvaq Gveigangj, mwngz doiq “seieiq bae douhyouq” haj cih saw neix, gag miz nyinhrox.

Gou baez daih’ it bae Gveigangj dwg 1997 nienz 10 nyied, seizhaenx gou dwg Hozciz Si Duh’anh Yauzcuz Swciyen Gvangjbo Densi Giz boux gicej ndeu, lij mbouj rox Haijdwzɡwzj caeuq Hozjwdwzlinz, gou bae Gveigangj dwg aenvih yaek camgya aen vwnzyoz hozdung 《Gvangjsih Vwnzyoz》guh haenx——gij vwnzyoz hozdung seizhaenx, bingzciengz cungj senj youq gizdieg gingj gyaeu caemhcai q yawjnaek vwnzva haenx. Gou codaeuz geiqndaej, Gveigangj mboujdan dwg gizdieg bouxseng’ ei q comzyouq, caemhcai q dwg gizdieg gyonjcomz

yinzvwnz ndeu, 《Gvangjsih Vwnzyoz》senj youq Gveibingz youz dieg Gveigangj guenj haenx guh vwnzyoz hozdung dangyienz dwg swnh leix guhbaenz. Neix dwg gou baez daih’ it camgya vwnzyoz hozdung, hix dwg gou baez daih’ it daeuj daengz Gveibingz——Neix dwg gizdieg baeyouz mingzdaeuz yienɡj goksad. Byasihsanh Gveibingz dwg goengq bya fuzgyau mizmingz ndeu, engq dwg mbaw mingzben Gveibingz ndeu. Seizhaenx, gou ngamq ndaej samcib bi lingz di, ngoenznaengz vih ciengx bak guhhong caemhcai q ngamq dang daxboh, diuzroen vwnzyoz yiemzgek daeuj gangj caengz ndaej hwnjdin, cie p ndaej iucingj bae camgya hozdung, dangyienz gig angqyangz. Gou doiq baez vwnzyoz hozdung neix simmuengh dangqmaz, hix gig muengh bae Gveibingz raixcaix.

Daeuj daengz Gveibingz, youq aen binhgvanj laj dinbya Sihsanh, binhgvanj miz di yaez, hoeng aenvih depgyawj Byasihsanh, sangjswt、caemdingh, hawj vunz roxnyinh daengz Byasihsanh baenzneix ciuyinx vunz. Gwn caeuz le youq ndwi, gou boux vunz dog cimh riengz roen iq menhmenh byaij doxhwnj. Go faexgeq gwnz Byasihsanh angqcoux gou, gij rumz liengzseu angqcoux gou, gij sing saenzbaed angqcoux gou. Gou daj seizi q couh youq ndaw bya youq, bin gvaq hauj lai byasang——Gaxgonq bin bya dwg vihliux ragwn, baebae dauqdauc cungj byaij vaiqv it, gig noix mbouj dwg viuhliux ganjroen cix byaij bae guhcaemz. Byasihsanh duenh roen ceiq baihnaj mbouj daih lingq, gou menhmenh byaij hwnjbae. Roen mbouj suenq gvangq, seizseiz miz vunz daj henzndang gou byaij gvaqbae, dwg gij vunz guhhong haenx dauqma, lij miz hekyouz diegrog. Mbouj daengz buenq diemj cung, ranz couh laep lo, Byasihsanh lumj aen dozraed laepamq hungloet ndeu, hawj vunz roxnyinh saenzmaed youh hungmbwk. Mbouj ndaej laebdaeb bin hwnjbae lo, gou dingz roengzdaeuj, fwt ngeux gya euj yawj dauq laeng, yawjraen buenq aen singz Gveibingz daeng ronghsag. Gou mbouj dwg sikhaek byaij roengz bya, cix dwg youq laj go faexgeq ndeu naengh roengzdaeuj, gwnz bya sing saenzbaed gig cingcu j, aen singz Gveibingz buenq singz daeng ronghlwenq haenx, go riuzhengz seiz mbouj seiz cienz daeuj. Mbiengj ndeu dwg bya fuzgyau mizmingz, mbiengj ndeu dwg ranz vunz daeng ronghywg, cingqcaen hawj vunz ngeix mbouj liux mbouj cod: Henz rwz sing fuzgyau caeuq go riuzhengz gak miz gij yaemdiuh de,

ndaw mwngz miz gou ndaw gou miz mwngz, seizneix ngeix hwnjdaeuj, neix gizsaed hamz miz gij seieiq noengznwd. Bauyungz、unqswnh, dwg gij yienghceij aen sei qgyai q neix hab miz. Ngoenz daihng eih, gou riengz aen doi hcai jfungh hung haenx hwnjbya, youq henz miuh gwnz bya “gouz” le yiengh doxgai q iq ndeu: Ngamq dang daxboh, gou soengq dahlwg faenh huqlaex daih’ it dwg duzvaiz aeu rin gaek baenz ndeu.

Baihnaj gangj gvaq, seieiq mbouj dwg hawghoengq, dwg lumj “fanh miz rengzyinx” nei, hawj Gveigangj miz seieiq, dangyienz dwg aen miuh gaeuqgeq ndaw luegbya, ramxdah fanfoed caeuq vunz Gveigangj gaenxguh hongnaz, mboujdan baenzneix, gij lizsij vwnzva gyaenanz engq miz gij seieiq laegcaem、noengznwd. Youq ndaw swhliu guenfueng hawj dou haenx, gou yawjraen sei q cih “yienh gaeuq singz moq”, baenzneix dinghvi h caen habngamj lai lo. Gwnz lizsij miz cungj gangjap ndeu, 2200 lai bi gonq, Cinsijvangz dungjyiz Cungguek le, laebnda Lingjnanz sam yienh, yenfuj Gveilinz couh laeb youq Gveigangj; Sihhan seizgeiz gaijbaenz Yilinz Yen, Dangzcauz seiz gaij heuhguh Gvei Youh, Mingzcauz seiz gaij baenz Gvei Yen. Baezbaez gaij coh dieg, baihlaeng miz geij lai gojgae q? 1988 nienz siu yienh gaij baenz si, heuhguh Gveigangj Si. “Gveigangj Gveigangj, gvi q miz sokgangj”, guenfueng sw hliu doi q gij coh Gveigangj gaijsiz doengsug rox ngaih, Dahsihgyangh ron z gvaq daengx si, gij roen haij ndaw dieg Gveigangj guenj haenx it bi sei q geiq ndaej doenghengz aen ruz 2000 dunh doxhwnj. Gij huq sokgangj ndaej haeujok、bi ndaej cau h ruz、bi aeu ruz daeh huq cungj ciemq Gvangjsih 50% doxhwnj. Youq Gveigangj, dandan cih “raemx” ndeu, couh cigndaej langhrengz dajcauh. “Miz rin daj dinbya gwnz dah baihg vaz vang loh youq ndaw dah, raemxlangh bonghfo……” Neix dwg Ciz Yazgwz youq ndaw saw 《Youz Geiq Lueggaeuhung》de youz Gveigangj Lueggaeuhung seiz sij. Lueggaeuhung dwg lueg dah ceiq hung ceiq rae z ndaw dieg Gvangjsih, vihmaz heuhguh “Lueggaeuhung”, guenfueng sw hliu baenzneix gaisau: Cien zgangj ciuh